



-UPRAVNI ODBOR-

J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

Na osnovu člana 69. stav (1) tačka b) i člana 70. stav (4) Zakona o javnim nabavkama („Službeni glasnik BiH“ br. 39/14), člana 15. Pravila JU MES-Međunarodni teatarski festival-Scena MESS broj: 257/16, od 10 maja 2016. godine, Rješenja Ureda za razmatranje žalbi broj: JN2-03-07-1-921-8/19 od 09.05.2019. godine, Upravni odbor na svojoj dvadeset sedmoj redovnoj sjednici, održanoj dana 28.05.2019. donosi:

Odluku o poništenju postupka javne nabavke usluga

Član 1.

Poništava se u cjelosti postupak javne nabavke usluga rezervacije, obezbjeđivanja i isporuke avionskih karata vazduhoplovnih prevoznika (redovnih), po najpovoljnijim uslovima na tržištu za JU „ MESS-Međunarodni tetarski festival-Scena MESS“, za kalendarsku 2019. godinu, evidencioni broj javne nabavke: 1014-7-2-4/19, broj Obavještenja o nabavci sa Portala javnih nabavki: 1014-7-2-4-3-3/19 od 04.03.2019., po Odluci o pokretanju postupka javne nabavke usluga putem konkurentskog zahtjeva za dostavljanje ponuda broj: 02-II-56/19, od 25.02.2019. godine, a radi postupanja po rješenu Ureda za razmatranje žalbi broj JN2-03-07-1-921-8/19 od 09.05.2019. godine.

Član 2.

Ova odluka stupa na snagu danom objavljivanja, a ista će biti objavljena na web stranici <http://www.mess.ba/2016/javne-nabavke> u skladu sa članom 70. stav (6) Zakona o javnim nabavkama („Službeni glasnik BiH“ br. 39/14), istovremeno sa upućivanjem iste svim ponuđačima koji su učestvovali u predmetnom postupku javne nabavke.

Obrazloženje:

Postupak javne nabavke usluga rezervacije, obezbjeđivanja i isporuke avionskih karata vazduhoplovnih prevoznika (redovnih), po najpovoljnijim uslovima na tržištu za JU „ MESS-Međunarodni tetarski festival-Scena MESS“, za kalendarsku 2019. godinu, putem konkurentskog zahtjeva za dostavljanje ponuda pokrenut je Odlukom o pokretanju postupka javne nabavke usluga putem konkurentskog zahtjeva za dostavljanje ponuda broj: 02-II-54/19, od 25.02.2019. godine, evidencioni broj javne nabavke: 1014-7-2-4/19, broj Obavještenja o nabavci sa Portala javnih nabavki: 1014-7-2-4-3-3/19 od 04.03.2019. Ukupno procijenjena vrijednost usluga iznosila je 45.000,00 KM (četrdeset i pet hiljada) u neto iznosu, bez uključenih iznosa pripadajućih indirektnih poreza u vrijeme donošenja odluke. Tenderska dokumentacija objavljena je na portalu javnih nabavki. Tendersku dokumentaciju je preuzelo ukupno 6 (šest) ponuđača, a ponudu dostavilo 2 (dva) i to:

- "STOURS" d.o.o
- „CENTROTRANS EUROLINES“ d.d

Javno otvaranje ponuda izvršeno je 19.03.2019. godine. Javnom otvaranju ponuda za predmetnu javnu nabavku nisu prisustvovali predstavnici ponuđača, što je konstatovano Zapisnikom sa otvaranja ponuda za javnu nabavku usluga broj: 01-III-149/19, od 19.03.2019.



MESS

J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA

godine. Komisija je zatim izvršila ocjenu ponuda prilikom čega je konstatovala da su sve dostavljene ponude kvalifikovane jer ispunjavaju sve uslove tražene TD.

Komisija je ponuđaču „STOURS“ d.o.o uputila zahtjev za obrazloženje ponuđene cijene broj: 01-III-153/19, od 20.03.2019. godine. Dana 22.03.2019. godine ponuđač „STOURS“ je dostavio obrazloženje ponuđene cijene broj: 41/19. Komisija za javne nabavke je u skladu sa članom 5. stav (2) alineja f) Pravilnika o uspostavljanju i radu komisije za nabavke (Službeni glasnik BiH 103/14), jednoglasno putem javnog glasanja donijela preporuku Ugovornom organu o dodjeli ugovora za usluge rezervacije, obezbjeđivanja i isporuke avionskih karata vazduhoplovnih prevoznika (redovnih), po najpovoljnijim uslovima na tržištu za JU „ MESS-Međunarodni tetarski festival-Scena MESS“ za kalendarsku 2019. godinu: „STOURS“ d.o.o. kao ponuđaču koji je ponudio najnižu cijenu, a u skladu sa određenim kriterijem za dodjelu ugovora koji je definisan u tenderskoj dokumentaciji. Ugovorni organ je bio saglasan sa preporukom Komisije te donio Odluku o izboru najpovoljnijeg ponuđača usluga rezervacije, obezbjeđivanja i isporuke avionskih karata vazduhoplovnih prevoznika (redovnih), po najpovoljnijim uslovima na tržištu za JU „ MESS-Međunarodni tetarski festival-Scena MESS“, za kalendarsku 2019. godinu broj: 02-IV-208/19 od 03.04.2019. godine. Odluka o izboru dostavljena je svim ponuđačima koji su učestvovali u predmetnom postupku te objavljena na web stranici Ugovornog organa. Nakon zaprimanja predmetne Odluke ponuđač „CENTROTRANS EUROLINES“ d.d izvršio je uvid u ponudu izabranog ponuđača, a zatim izjavio žalbu na Odluku o izboru. Žalba je kod Žalitelja protokolirana pod brojem: 1/2563/19 od 11.04.2019. godine, predata na poštu 11.04.2019. godine, a kod Ugovornog organa zaprimljena putem pošte preporučeno dana 12.04.2019. godine.

Nakon zaprimanja ove žalbe Ugovorni organ je obustavio postupak imajući u vidu suspenzivno djelovanje žalbe. Odluka o obustavljanju postupka broj: 01-IV-231/19 od 15.04.2019. godine dostavljena je ponuđačima koji su sudjelovali u postupku javne nabavke i objavljena na web stranici Ugovornog organa.

Ugovorni organ je kontaktovao da je žalba dopuštena, blagovremena i izjavljena od ovlaštenog lica, a zatim je istu u skladu sa članom 100. stav (5) Zakona o javnim nabavkama („Službeni glasnik BiH“, broj 39/14) prosljedio Uredu za razmatranje žalbi zajedno sa cjelokumnom dokumentacijom proisteklom iz predmetnog postupka. Ugovorni organ dana 16.05.2019. godine zaprimio je Rješenja Ureda za razmatranje žalbi broj: JN2-03-07-1-921-8/19 od 09.05.2019. godine, Rješenje protokolirano kod Ugovornog organa pod brojem 04-V-267-1/19.

Tačkom 1. gore navedenog Rješenja usvaja se žalba žalitelja jer izabrani ponuđač:

- kod obrazloženja neprirodno niske cijene nije dostavio detaljne informacije o relevantnim sastavnim elementima ponude, uključujući i elemente cijene, odnosno osnovane raloge ponuđene cijene;
- nije napisao cijenu ponude slovima i broj obavještenja o nabavci na dostavljenoj Izjavi ponuđača.

Tačkom 2. gore navedenog Rješenja poništava se Odluka o izboru najpovoljnijeg ponuđača broj 02-IV-208/19 od 03.04.2019. godine kao i Tenderska dokumentacija ugovornog organa zajedno sa obavještenjem o nabavci broj: 1014-7-2-4-3-3/19 od 04.03.2019. godine. Ured za razmatranje žalbi je u obrazloženju gore navedenog rješenja utvrdio osnovanost žalbenih navoda.



MESS

**J.U. MES
MEĐUNARODNI TEATARSKI FESTIVAL
SCENA MESS
WWW.MESS.BA**

U postupku pravne zaštite Ured za razmatranje žalbi je po službenoj dužnosti utvrdio da je tenderska dokumentacija bila objavljena na portalu javnih nabavki, a da je u istoj navedeno da se može preuzimati u prostorijama Ugovornog organa, a što nije u skladu sa članom 55. Zakona o javnim nabavkama. Daljim uvidom Ured je ustanovio da je Ugovorni organ naveo različite kodove JRJN u tenderskoj dokumentaciji i obavještenju te da su se tako stekli uslovi za poništenje tenderske dokumentacije i obavještenja o nabavci.

Shodno svemu gore navedenom Ugovorni organ je ocijenio da su se stekli uslovi za poništenje postupka javne nabavke te je u skladu sa članom 69. stav (1) tačka b) i člana 70. stav (4) Zakona o javnim nabavkama („Službeni glasnik BiH" br. 39/14), a u vezi sa članom 103. stav (1) tačka a) donio Odluku kao u dispozitivu.

PRAVNA POUKA: Na odluku ovu odluku može se izjaviti žalba Uredu za razmatranje žalbi Bosne i Hercegovine putem Ugovornog organa u roku od pet (5) dana od dana prijema iste.

Broj: 02-V-304/19
Sarajevo, 29.05.2019. godine

Predsjednik Upravnog odbora:



Emir Kapetanović

Dostaviti:

- 2x Ponuđačima
- Prilog dokumentaciji za JANAB-a
- a/a

